



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

jiciens ulteriorem indagine[m] eorum quæ magis recondita sunt dicam cum Philosopho morali, *totam rerum naturam umbram esse aut inanem aut fallacem, neq[ue] me irasci illis qui nihil nos scire volunt, neque illis qui me hoc quidem nobis relinquunt.* Tu interim amice, quem diutius amare me vellem, ut diu valeas cura.

Genuæ, Decembris 5. 1703.

II. Gulielmi Cockburni M. D. Solutio Problematis de Purgantium & Emeticorum Medicamentorum Dosis determinandis in quacunque Hominis Ætate, Temperamento, Temperamenti varietate per universum Terrarum orbem, ab ipso mense Martio proxime elapso, in Actis Philosophicis propositi. Et Illustri admodum Doctoque D. Edwardo Southwell, Annæ Reginæ a Secretis Hibernicis, &c. consecrata.

Quo rectius diversas emeticorum & purgantium Medicamentorum Doses, pro Temperamentorum & Ætatum varietate, decernamus. Supponendum est, *Primo*, istiusmodi Medicamenta nihil prius posse operari quàm in Sanguinis massam appulerint, & eidem penitus immisceantur: Constat enim, ni Nauseam moveant, nullum ab iis effectum sensibilem produci multo post tempore quo in eandem devehì possint. *Secundo*, generaliore[m] eorum effectum esse temperamenti sanguinei aliorumque Liqueurum gyrationum Alterationem.

Ex hisce duobus Postulatis concludimus, quod ubi Sanguinis Crasis est eadem Medicamentorum Doses, ad certum aliquem eliciendum effectum, sanguinis Quantitati proportionales

nales esse: Si namque certa quædam Dosis exigatur ad unius Libræ sanguinis v. gr. Crasin alterandam ad certum aliquem gradum, duplicem oportebit Dosis adhibere ut Libræ duæ ad eundem gradum alterentur, triplam ut tres, &c. Et universaliter si sanguinis Quantitas *b* exigit Dosis *d*, quantitas sanguinis *mb* Dosis *md* exiget, & est $b : d :: mb : md$.

Coroll. Quum Quantitas sanguinis & cæterorum humorum in gyrum actorem rite, ex Animalis pondere, possit æstimari (partes enim quas solidas nuncupamus sunt tantum Canales qui liquores istos continent) exinde sequitur Dosium quantitates, *cæteris paribus*, esse corporis ponderi proportionales; adeoq; Medicamentorum Dosis Infanti, recens nato, propinandam esse ad eorundem dosim provectioris ætatis Homini- bus ut est Infantis pondus ad Hominis. Exempli causâ, pilularum Rudii gr. xxx unicâ plerumq; dose Homini exhibentur, & Hominum Pondus commune est 160 Librarum, & Infantum Librarum 12; quapropter, ut sunt 160 Hominum Pondus ad 12 Infantum, ita sunt gr. xxx Hominum dosis ad gr. $2\frac{1}{4}$ quæ sunt Infantum; ac semper in eâdem ratione Medicamentorum doses augendæ veniunt ut crescit Infans; dehinc doses exhibendæ manent eadem ad annum quinquagesimum, ex quo tempore sanguinis quantitas & vis quotidie minuuntur, quâ quoque ratione minuendæ sunt Medicamentorum Doses.

Hâc ratiocinandi methodo, Homines omnes eodem gaudere Temperamento simul & Augmentum Ordinemq; secretionum, ad annorum numerum, esse æqualem supposuimus; id enim vult simplicior meditandi modus: Quum verò hominum Temperamenta, seu Constitutiones, sint diversissimæ pro variâ sanguinis humorumq; gyantium Crase, Dosium quantitates non semper proportionantur corporis ponderi. Diversum id sanguinis temperamentum in certâ quadam partium ejusdem cohærendi dispositione consistit, quâ sanguis magis vel minus fluidus evadit; unde provenit quòd medicamentorum in sanguinem Operationes fiant diversæ pro variis Cohærentiæ gradibus. Ponamus enim homines duos

duos æquali sanguinis quantitate pollentes, cujus Cohærentiæ gradus sint diverſi; manifestum eſt, medicamenta iſta facilius laxioris texturæ ſanguini admifceri quàm firmitus cohærenti, commiſcendiq; Proclivitas quam habent medicamentorum partes particulis ſanguinis eſt ſemper ut Fluiditas directe vel reciproce ut eſt ſanguinis Tenacitas, & medicamenti in ſanguinem viſ erit in eâdem ſimiliter ratione: Adeoq; ut medicamentum in iſtis diverſi temperamenti Hominibus æqualiter operetur, propinandæ doſes ſanguinis Tenacitati proportionales eſſe debent, ſupponendo itidem ſanguinem in utroq; pari Celeritate circuitum agere. Si vero ſanguinis velocitas ſit diverſa medicamentorum operationes, *b. e.* Secretionum quantitas ab eis producta, erunt ut ſanguinis Velocitas: Secretiones enim in qualibet Glandula, in dato tempore, ſunt ſemper ut ſanguinis quantitas quæ in eandem glandulam eodẽ tempore devehitur, *b. e.* ut ejus Velocitas. Sanguinis etiam velocitas, *cæteris paribus*, ſemper ſe habet ut ejus Fluiditas, ſeu reciproce ut ejus Cohærentiæ gradus: Si igitur ſanguinis Velocitas eſſet unice conſideranda, hoc caſu quantitas doſium ad eundem effectum producendum erit directe ut cohærentiæ gradus in partibus Sanguinis.

Prop. I.

In hominibus duobus æqualem ſanguinis quantitatem habentibus ſed Cohærentiæ gradibus diverſis, Medicamentorum Emeticorum & purgantium doſes, ad eundem effectum eliciendum neceſſariæ, ſunt in duplicata ratione graduum cohærentiæ ſanguineæ.

Ubi enim Sanguis eâdem velocitate movetur, doſis quantitas ut cohærentiæ gradus ſit oportet, & ſi gradus cohærentiæ eſſent iidem doſis quantitas eſt reciproce ut velocitas; adeoque, ubi nec cohærentia nec velocitas ſunt eâdem, quantitas doſis eſt in ratione compoſita ex directa ratione graduum cohærentiæ in Sanguine & reciproca velocitatis: Atqui reciproca

ciproca velocitatis ratio est directæ Tenacitatis vel cohærentiæ graduum rationi æqualis. Ideoq; Dosis quantitas est in ratione composita graduum cohærentiæ & graduum cohærentiæ, *h. e.* Doses propinandæ sunt in duplicata ratione eorundem Q. E. D.

Prop. II.

Dosium quantitas hominibus diversæ quantitatis sanguinis exhibenda, qui simul diversis pollet Cohærentiæ gradibus, est in ratione composita ex ratione ponderis hominum & duplicata graduum Cohærentiæ.

Quum enim cohærentiæ gradus sunt iidem dosium quantitas est ut hominum pondus, & ubi hominum pondus est idem dosium quantitas est in duplicata ratione graduum cohærentiæ, adeoque, quum neuter est idem dosis quantitas est in ratione composita ex ratione ponderis hominum & duplicata graduum cohærentiæ. Q. E. D.

Coroll. Hinc Quantitatem & Qualitatem Sanguinis in quolibet homine scientes doses ad purgandum & vomendum necessarias non ita arduum est determinare. Hæc qualitas, seu Temperamentum, sanguinis a perito Medico ex Pulsibus Urina & aliis secretionibus facile invenitur; adeoq; Medicus, observando quæ doses datæ constitutionis homines purgant, minimo negotio doses cuilibet constitutioni vel Temperamento idoneas statuet.

Schol. Quæ hætenus in genere demonstrata sunt, ex vulgari Medicorum circa Purgationem & Vomitionem Hypothesi eodem sequerentur pacto; quoniam Dispositio, quam habent Ventriculus & Intestina ut stimulentur, est ut memorati quantitatis & Cohærentiæ in Sanguine gradus. Ita, vel ex illa Suppositione, Veritas hæc maxime constaret, licet postulati simplicitate destituitur, atq; ob id non adhibetur.

Londini, 4to Non. Febr. 1706.